

21. *TEREBRATULA rhomboidalis* NILSS.

T. testa rhomboidali, lævi, valva minore gibba, lateribus compressa, majore dorso subplana; per totam longitudinem curvata; rostro valde incurvo, longiusculo; foramine mediocri; sutura valvarum arcuata.

* NILSSON Petr. Suec. p. 34, 6, T. IV. fig 5, A, B, C, D.

Locus: In calce glareosa Scaniae ad Kjugestrand, Blekingiae ad Mörby; NILSSON.

22. *TEREBRATULA Lens*. NILSS.

T. testa suborbiculari, depressa, lævi, dorso valvæ majoris medio elevato; rostro incurvo, acuto, foramine minimo.

* NILSSON Petr. Suec. p. 35, 7, Tab. IV, f. 6, A, B, 6, C.

Locus: In calcario pallide griseo ad Charlottenlund Scaniae; NILSSON.

23. *TEREBRATULA?* didyma.

Tab. VI, fig. 7.

T. testa breviter obovata, lævi, utrinque æqualiter convexa, impressione apicis longitudinali indeterminata; apice emarginato; rostro brevissimo, foramine parvo subtriangulari.

Locus: Gottlandia.

Longit. 10—15, latit. 9—12, crass. 6—10 m. m.

Testa tota lævis, basi subgibba, apice exsinuata, lobis rotundatis. Striæ longitudinales nullæ, concentricæ vix nisi intramarginales, et ante valvarum apicem sinuosæ. — Versus utriusque valvæ apicem impressio longitudinalis, lævis et indeterminata, versus testæ basin omnino eva-